



ctor dicti hospitalis, & alii fratres sint seculares, ostenditur inconvincibili ratione; quia constat, quod alicuius hospitalis non potest esse rector religiosus, nisi illud hospitale curam habeat animarum, ut in cle. quia contingit, de relig. domibus, & hoc ibi firmat expresse Io. An. in gloss. in verbo, secularibus. unde patet, quod rector, & fratres dicti hospitalis sint seculares, cum ipsum hospitale non habeat populum, & curam animarum; nec sint fratres, vel saltem rector in ordinibus clericalibus constitutus. Et etiam hoc audio in facto verissimum, nec in contrarium est in facto proposito. Item dico, quod sunt personae libere habentes velle & nolle, & quandam modum bonum honestum simul in eadem domo viuendi, quos Deo deuotos possumus appellare. Eorumque collegium quodam modo ecclesiasticum, si illud affirmamus a Romano Pontifici. expresse, vel tacite approbatum; quare approbatio est necessaria; alias esset reprobaturum. Casus est in ca. 1. de relig. domi. li. 6. & plene no. per Bar. in l. f. d. de colle. illicitis. Nec obstat praedictis, quod dicti, fratres, & praesertim frater Structorius dedicauerunt se, & sua promittendo obedientiam &c. ut apparet in themate praesupposito. Quia dico, quod cum dicti rector, & fratres non sint religiosi, sed seculares, ut dixi, dictus frater Structorius, vel alter profecto in manibus dicti rectoris, vel alterius ex fratribus hospitalis solenne votum religionis contrahere non potuit; ita firmat Innocen. in c. porrectum. de reg. & Barto. & Bald. in auth. ingressi. C. de sacrosan. eccle. loquentes specificiter etiam de hospitalariis. imo plus dicit Specu. in tit. de statu monach. ver. 19. Et etiam si fiat professio in manibus vnius monachi, vel alterius, quam abbas, qui recipiens non recipiat nomine abbatis, quod tunc fit dedicatio bonorum tantum, non personae. & pro hoc videtur casus in d. capitu. porrectum. dico autem, quod licet non persona, tamen bona dicti talis fratris sic dedicantis se, & sua, sunt quo ad dominium in hospitale translata, etiam nulla eorum traditione secuta. l. fin. C. de sacrosan. eccle. & firmat Bar. in d. auth. ingressi. Item non obstat quaedam ordinamenta dicti hospitalis. Et primo id statutum, quo cauetur, quod prohibentur fratres hospitalis querere pro se; sed debent offerre rectori &c. Item aliud, quo cauetur, aliquem in fratrem dicti hospitalis recipi non debere, nisi hospitali offerat se, & sua; & si fiat secus, expelli debet, &c. quia supposita, ut dixi, approbatione dicti collegii de quo dubito, & mihi non apparet ex themate, vel praedictis; dico talia statuta non valere. Nam collegium approbatum statuit solum de spectantibus ad eorum iurisdictionem, & ad gubernationem rerum & bonorum ipsius collegii, non in praedictum tertium, vel iurisdictionis superioris, ut est casus in l. 1. C. de mono. & no. per Barto. in l. f. d. de colle. illiciti. & in sua repetitione l. omnes populi. Sed statuendo super prohibitione contractus, vel subiectione personae alicuius, ut seruus dicatur, non est de iurisdictione dicti collegii: imo vel spectat ad principem vel populum, aut alium a lege, vel a principe sic statuendi potestatem habentem. l. 1. C. non lice. habu. metro. li. 1. r. argu. dictae athen. ingressi. & quod ibi no. Statuere enim talia, de quibus in dictis ordinamentis annotatur, nihil aliud est, quam tollere illa, quae sunt de manu principis, ut contractus, & inducere seruitutem, & tollere libertatem, quae est de iure naturali, ut l. ex hoc iure. ff. de iusti. & iu. debet enim tale collegium, & quod libet aliud, quando inuicem conueniunt, collegiatim conuenire ad tractanda ea, quae spectant ad collegium, non alia. ff. de iure immu. l. semper, §. quibusdam; alias puniuntur tale collegium. l. sub praetextu. ff. de extraordi. cri. Quis ergo dicet, per collegium hec fieri posse? certe nullus. Praeterea seruitutem inuenio induci altero de quatuor modis, vel natiuitate, ut quia ex persona seruatus: vel captiuitate ab hostibus; vel quia quis vendidit se ad pretium participandum, vel per solenne votum religionis. hec habentur in iuribus satis vulgaribus, quorum modorum hic non est ex illis. Quid plura? inuenio de portatum posse contrahere, & acquirere, etiam post sententiam deportationis, postquam per sententiam omnia eius bona sunt publicata. ff. de testa. mil. l. neque. & l. de portati. & no. in l. 2. C. de bo. prof. Item cum hoc non posset fieri per pactum, & professionem alicuius de dictis fratribus; in manibus etiam rectoris, & ecclesiasticum; ergo nec per statutum hoc probatur, & no. in ru. C. de dec. decu. li. 1. Descendo ad secundum, & supposita approbatione dicti collegii, ut dixi, dico, quod rector, & quilibet ex

praedictis fratribus sit libera persona, & sic contrahere potest, ut supra dixi, & probauit quod inter dictum collegium, & hospitale ex vna, & quemlibet de fratribus dicti hospitalis, potest quilibet & naturalis, & civilis contrahi obligatio, si inter eos fiat contractus alias de iure permixtus. Ex contractu enim nascitur obligatio, & ex obligatione actio. l. licet. §. ca. obligatio. ff. de procu. Venio ad tertium & ult. ad quod respondendo, cum rectores, & gubernatores hospitalis, tutoribus, & curatoribus aequiparentur, ut probatur in l. orphanotrophos. C. de epi. & cle. & ibi per Bal. & in d. cle. quia contingit, quod sicut per tutores, & curatores contrahentes nomine pupillorum, vel aduultorum, ipsi pupilli & adulti obligantur, l. si creditor. C. si tuto. vel curato. inter. ita per istos rectores hospitali obligatur, sicut dicimus in ecclesia, quod obligatur ex contractu prelati, si consensu capituli hoc fiat, ut in c. quod quibusdam, de fideiuss. & in c. 1. de depo. & quod ibi no. Ex quibus omnibus iudicio meo concludere possum, & concludo, tam de iure, quam de equitate suadente: tamen submittens me correctioni cuiuslibet melius sentientis, dico, quod dictum hospitale fuit tempore vite ipsius fratris Structorii, ipsi fratri Structorio obligatum ad dictas res, & pecuniarum quantitates, eidem promissas per syndicum dicti hospitalis, ad hoc mandatum legitimum habentem; & quod per dictum fratrem Structorium etiam omnia iura sibi competentia contra dictum hospitale, cedi potuerunt de iure dicto Ioan. de Mariscalchis de Senis, de quo in themate fit mentio; quibus iuribus ipse Ioannes cessionarius potuit etiam postea uti contra hospitale praedictum. Et hec sufficiat. Deo gratias. Ego Vgolinus de Mariscalchis minimus inter iuris civilis Bono. Doct.

DE relicto ad pias causas qualiter probetur, & de competentia iudicis, & de legato pannorum. Sed nota, quod hoc non est consilium domini Abbatis, sed fuit insertum, & ita reperi in alio libro ego Ludouicus Bolo. qui nolui iam scripta tollere, aut aliorum sudoribus derogare: & eo maxime, cum iudicio meo licet paruo, istud sit elegans consilium in materia sua.

CONSILIVM CV.

- 1 Filius praesumitur ex quasi possessione filiationis.
- 2 Ratio dat esse testimonio in testamento.
- 3 Pannorum appellatione quae contineantur.

EX processu, & actitatis coram domino episcopo Cortonen. plura dubia oriuntur. Primum, circa competentiam iudicis, utrum sit aditus competens iudex, necne. Secundum, an sit probatum legatum, attento numero testimonii, & inspecta forma, & causa legati, & qualitate personarum relinquentis, & legatarii. Tertium, an per relictum sic factum filie Pauli sit probata filiatio, uel quasi possessio filiationis. Quartum, an praesupposito legato pannorum ualido, qui pannum cedant legatario, & ueniant in legatum. Et consideratis uerbis legati sit sufficienter facta probatio quo ad pannos petitos, & istud sit unum dubium. Circa primum, forma legati est causa iurisdictionis concedendi iudici ecclesiastico, quod dicitur amore Dei, & sic ad pias causas, & pro anima, ut ff. de leg. 2. l. si quis Titio: facit Auth. ut cum de appel. co. §. si unum de praedictis. de sepul. c. 2. in glo. C. de sacrosan. eccle. l. illud hoc tamen casu causa intentata in libello operatur, ut in duceat negotium posse esse de iurisdictione ecclesiastica, & cognosci per iudicem ecclesiasticum, ut no. Innocen. de fo. co. peten. in ca. cum sit. & ex modo agendi, & procedendi, quod proceditur secundum formam conuicti de iudic. in aliis causis iudex ecclesiasticus non esset competens iudex, cum certe sint ad ecclesiasticum pertinentes, ut in c. nos inter alios, de purga. can. & in questione nostra. de hoc tamen temere disputatur, cum se iudicem competentem pronunciauerit, & non fuerit appellatum: & sic licet sit interlocutoria, ut in auth. habita. C. ne filius pro pa. de offi. dele. ca. significantibus, tamen transit in rem iudicatam, ut pars non possit contradicere. Circa secundum, licet iuris civilis norma solennitatem adhibuit ratione suspitionis, & fraudis euitandae, ut l. hac consultissima. C. qui test. fac. possunt, ut in omni ultima uoluntate, excepto testamento, quinque testes uoluerit adhiberi, ut C. de condi. indebi. l. si. Iuris tamen canonici censura, quasi ius gentium imitans, aliter disponit, ut ca. rela-